



Leuinus apud Belgas natus est Anno circiter millesimo quingentesimo quinto. Is post prima literarum fundamenta in patria foeliciter percepta sese hinc inde ad Academias contulit, & magna diligentia Philosophiæ & Medicinæ incumbere cœpit. In eo quoque studiorum genere tanta dexteritate uersatus, ut eius facultatis Doctor crearetur. Inde in patriam rediit, atque apud Seelandos Medicinam factitauit, idque tanto successu, ut ab omnibus suspiceretur. Quin etiam animum ad scribendum appulit, & occulta naturæ miracula sua eruditione proposuit, & declarauit. In eo loco Leuinus etiamnum uiuit, atque ingenij sui

monumenta ad posteros transmittit, ubi etiam senex à pijs & doctis uiris agnoscitur. Anon.